

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԻՃԱԿԱԳՐԱԿԱՆ ԿՈՄԻՏԵ

ԵՐԵՎԱՆ ՔԱՂԱՔԻ ՎԱՐՉՈՒԹՅՈՒՆ

ք.Երևան

«23» հոկտեմբեր 2023թ.

ՈՐՈՇՈՒՄ թիվ 11

ԳՈՐԾԻ ՎԱՐՈՒՅԹԸ ԿԱՐՃԵԼՈՒ ՄԱՍԻՆ

Ես՝ ՀՀ ՎԿ Երևան քաղաքի վարչության պետ Ավետիք Մեիրաբյանս քննելով 04.10.2023թ.-ի վարչական իրավախախտման վերաբերյալ թիվ 231030 արձանագրության հիման վրա հարուցված վարչական վարույթի նյութերը՝

ՊԱՐԶԵՑԻ

ՀՀ ՎԿ Երևան քաղաքի վարչության կողմից 04.10.2023թ.-ի վարչական իրավախախտման վերաբերյալ թիվ 231030 արձանագրությամբ արձանագրվել է, որ «Բերգ Քոնսթրաքշն» ՍՊԸ-ի տնօրեն Միխայիլ Խաչիյանը չի ներկայացրել 2023թ.-ի օգոստոս ամսվա Ձև 1- կշ (ամսական) վիճակագրական հաշվետվությունը (այսուհետ՝ Հաշվետվություն), որը հաստատված է

ՀՀ վիճակագրության պետական խորհրդի (այսուհետ՝ Պետական խորհուրդ) 2018 թվականի հոկտեմբերի 19-ի թիվ 19-Ն որոշմամբ: Սույն որոշման համաձայն՝ հաշվետվության ներկայացման ժամկետն է՝ մինչև հաշվետու ժամանակաշրջանին հաջորդող ամսվա 10-ը:

Պետական խորհրդի 2016 թվականի հունիսի 20-ի թիվ 05-Ն որոշմամբ հաստատված վիճակագրական տվյալների հավաքման կարգի (այսուհետ՝ Կարգ) 35-րդ կետի համաձայն՝ վիճակագրական փաստաթղթերի ներկայացման համար սահմանված ժամկետի ավարտման օրվան հաջորդող հինգ աշխատանքային օրվա ընթացքում չներկայացնելու դեպքում ռեսպոնդենտը ենթարկվում է պատասխանատվության՝ օրենքով սահմանված կարգով:

Միխայիլ Խաչիյանի նկատմամբ ըստ ՀՀ ՎԻՎՕ 169.2-րդ հոդվածով նախատեսված վարչական իրավախախտման հատկանիշներով ՀՀ ՎԿ Երևան քաղաքի վարչության կողմից վարչական վարույթ է հարուցվել 04.10.2023թ.-ին:

«Բերգ Քոնսթրաքշն» ՍՊԸ-ն վարչական գործի քննության է հրավիրվել 2023թ.-ի հոկտեմբերի 19-ին, ժամը 12:00 -ին:

Ուսումնասիրությունից պարզվել է, որ Իրավաբանական անձանց պետական ռեգիստրում 10.10.23թ-ին կատարվել է «Բերգ Քոնսթրաքշն» ՍՊԸ-ի գործադիր մարմնի ղեկավարի փոփոխություն:

Ելնելով վերոգրյալից, ինչպես նաև ղեկավարվելով ՀՀՎԻՎՕ 247-րդ հոդվածի 1-ին մասի 1-ին կետի և 282-րդ հոդվածի 1-ին մասի 2-րդ կետի պահանջներով՝

ՈՐՈՇԵՑԻ

Կարճել «Բերգ Քոնսթրաքշն» ՍՊԸ-ի տնօրեն Միխայիլ Խաչիյանի նկատմամբ 04.10.2023թ.-ի վարչական իրավախախտման վերաբերյալ թիվ 231030 արձանագրության հիման վրա հարուցված վարչական վարույթը:

Վարչության պետ



Ա. Մեհրաբյան